

四庫全書

集部

欽定四庫全書

文苑英華卷二百三十三 宋 李昉等編

寺院一

附塔

梁武帝一首

陳後主一首

江總五首

劉孝先一首

庾信二首

蕭慤一首

孔德紹一首

徐伯陽一首

劉孝孫一首

王勃二首

盧照隣二首

駱賓王一首

沈佺期二首

宋之問九首

張說四首

蘇頌三首

張九齡二首

蔣渙一作煥一首

寇埴一首

寇垣一首

孫逖二首

天安寺疏圃堂

梁武帝

乘和蕩猶豫此馬聊止息連山去無限長洲望不極參

差照光彩左右皆春色
晻曖矚遊絲出沒看飛翼其樂

信忘返脩

一作脩

然寧有即

同江僕射遊攝山棲霞寺

陳後主

時宰磻溪心非關狎竹林
驚嶽青松繞雞峯白日沉天
迴浮雲細山空明月深
摧殘枯樹影零落古藤陰
霜月夜鳥去風露寒猿吟
自可盡出俗詎是願抽簪

遊栖霞寺新雨

集作時雨

江總

霖霖新雨霽清和
孟夏肇栖宿綠野中
登頓丹霞杪敬

仰高人德抗志塵物表三空豁已悟萬有一何小始從
情所寄冥期諒不少荷衣步林泉麥氣涼昏曉乘風西
泠泠候月臨皎皎煙崖憇古石雲路排征鳥披逕憐森
沉攀條惜杳裊平生忘是非朽謝豈矜矯五淨自此生
一作
涉 六塵庶無擾

攝山栖霞寺山房夜坐簡徐祭酒周尚書共遊

羣彥

前人

澡身事殊戒非是學金丹月磴時橫枕雲崖宿解鞍梵

宇調心易禪庭數息難石澗水流靜山窻葉去寒君思
北闕駕我惜東都冠翻愁夜鍾盡同志不盤桓

再遊栖霞寺言志

前人

淨心抱冰雪暮齒通

疑

桑榆太息波川迅悲哉人世拘

歲華

一作
聿

皆採獲冬晚共嚴枯濯流濟八水開襟入四

衢茲山靈妙合當與天地俱石瀨乍深淺煙岸

一作
崖

遞

有無缺碑橫古隧盤木卧荒塗行行備履歷步步憐威
紆高僧迹共遠勝地心相符樵隱各有得丹青獨不渝

遺風佇芳桂比德喻生芻寄言長徃客悽然傷鄙夫

明慶寺

前人

十五詩書日六十軒冕年名山極歷覽勝地殊留連幽

崖聳絕壑

初學記
作壁

洞穴瀉飛泉金河知證果石室乃安

禪市朝霑草露淮海作桑田夜梵聞三界朝香徹九天

山階步皎月澗戶聽涼蟬永

初學記
作何

言望鍾嶺更復切

秦川

入龍丘巖精舍

前人

法堂猶集鴈僊竹幾成龍聊承丹桂馥遠視一作白雲

峯風窻穿石竇月牖拂霜松暗谷留征鳥空林徹夜鍾
陰峯未辨色疊樹豈知重溘此哀時命吁嗟世不容無
由訪詹尹何去復何從

和七名法師秋夜草堂寺禪房月下

劉孝先

幽人住山北月上

一作上月

照山東洞戶臨松徑虛窻隱竹

叢出林避炎影步逕

一作迴

逐涼風平雲斷高岫長河隔

淨空數螢流暗草一鳥宿疎桐興逸煙霄上神閒宇宙
中還思城闕下何異處樊籠

和周趙王遊雲居寺

庾信

重巒千仞塔危磴九層臺石關還

一作常

逆上山梁乍斗

迴階

類聚作耐

下雲峯出窻前風洞開隔嶺鍾聲應

類聚作度

中

天梵響來平時欣侍從於此暫徘徊

奉和同泰寺浮圖

前人

宮宮陵太

一作泰

清照殿比東京長影臨雙闕高層出九

城拱積浮雲礙幙搖度鳥驚花

一作鳳

飛如始落

一作蓮

合似初生輪重對月滿鐸韻擬鸞聲畫水流全住圖雲

色半行

一作輕

煙露晚

一作晚盤

猶滴珠火朝更明雖連博

望苑還接銀沙城天香下殿桂仙梵入伊笙庶同八界

樂

一作庶聞八解樂

方遣六塵情

一作皆藝文類聚

和崔侍中從駕經山寺

蕭慤

鈎陳夜驚徼河漢曉參

一作縱

橫遊騎騰文

一作雲

馬前驅

轉翠旌野禽喧曙色山樹動秋聲雲表金輪見巖端畫

拱明塔疑從地涌蓋似積香成泉高下溜急松古上枝

一作精

平儀容

初學記作合

多壯思麗藻蔚綠情自吟非照廡

何以繼連城

登白馬山護明寺

孔德紹

名嶽標形勝危峯遠鬱紆成衆建環極大壯闡規模

一作層

臺聳靈鷲南

一作高

殿邇陽烏暫同遊閭苑還類入

仙都三休開碧嶺

一作題

萬戶動

一作洞

金鋪攝心罄前禮

訪道把中衢

一作虛

遙瞻盡地軸長望極天隅白雲起梁

棟丹霞映松櫨露花疑濯錦泉月似沉珠今日桃源客
相顧失歸塗

遊鍾山開善寺

徐伯陽

聊追鄴城友躡步出蘭宮法侶殊人世天花異俗中鳥
聲不測處松吟未覺風此時超愛網還復洗塵蒙

遊靈山寺

劉孝孫

吾王遊勝地驂駕歷祇園臨風畫角憤曜日采旗飏永
懷筌了義寂念啓玄門深溪窮地脉高嶂接雲根信美

諧心賞幽桂

一作遠

且攀援曳裾欣扈從方悟屏塵諠

遊梵宇三學寺

王勃

杏閣披青磴瑤臺控紫岑葉齊山路逕

一作逕密

花積野壇

深蘿幌栖禪影松門聽

一作引

梵音遽忻陪妙躅延賞

一作

想

滌煩襟

觀佛跡寺

前人

蓮座神容儼

一作從

松崖聖趾餘年長金跡淺地久石芝

一作文

踈顏華臨曲磴傾影赴前除共嗟

一作悲

陵谷遠俄

視化城

一作虛成

石鏡寺

盧照隣

古墓芙蓉塔明神松栢煙鸞沉僊

集作山

鏡底花沒梵輪

前銖衣千古佛寶月兩重圓隱隱香臺夜鍾聲徹九天

赤谷安禪師塔

前人

獨坐巖之曲悠然無俗紛酌酒呈丹桂思詩贈白雲煙

霞朝晚

一作暝

聚猿鳥歲

集作四

時聞水華鏡秋色山翠含

夕曛高談十二部細覈五千文如如數冥昧生生理氛

集作
氤

古人有糟粕輪扁情未分且當事芝朮從吾所

好云

和王記室從趙王春日遊陲山寺

駱賓王

鳥旗陪訪道驚嶺洽

一作
狎

棲真四禪明靜業三空廣勝

因祥河踈疊澗慧日皎重輪葉暗龍舟窈花明鹿苑春
彫談筌奧旨妙辯漱玄津雅曲終難和徒自奏巴人

樂城白鶴寺

沈佺期

碧海開龍藏青雲起鴈堂湖

一作潮

聲應法鼓雨氣濕天

香樹接前山暗溪承瀑水涼無言誦居遠清淨得空王

遊少林寺

前人

長歌遊寶地徙倚對珠林鴈塔丹青古龍池歲月深紺

園澄夕霽碧砌

集作殿

下秋陰歸路烟霞遠

集作晚

山蟬

集作

風處處吟

遊韶州廣果寺

宋之問

影殿臨丹壑香臺隱翠霞巢飛銜

一作舍

象鳥砌蹋雨空

花寶鐸搖初霽金池映晚沙
莫愁歸路遠門外有三車

宿清遠峽山寺

前人

香岫懸金刹飛泉界石門
空山唯習靜中夜寂無喧
說法初聞鳥看心欲定
猿寥寥隔塵事何異武陵源

遊法華寺二首

前人

薄遊京都日遙羨稽山名
分刺江海郡竭來徵素情
松路洗心眷象筵敷念誠
薄雲解一作界青嶂瞰一作日騫

朱薨苔澗

一作潤非

深不測竹房閒且清
感真六象見垂兆

二鳥一作鳥

鳴古今信靈跡中州莫與京林巘永栖業豈

伊在一生浮悟雖已久事試去來成觀念幸相續庶幾
最後明

二

高岫擬耆閤真乘飲妙車空中結樓殿意表出雲霞後

果傳三足

一作尺

前因感

一作取

六牙宴林薰寶樹水漏溜

集作溜滴

金沙寒谷梅猶淺溫庭橘未華臺香紅藥亂塔影

綠篁遮果漸輪王族綠超梵帝家晨行躡恐草夜誦得

靈花江郡將何匹天都亦未加朝來泛舟

一作沿泛

所應是

逐僊查

遊雲門寺

前人

維舟探靜域作禮事尊經投跡一蕭散為心自杳冥龕
交大禹穴樓倚少微星沓嶂圍蘭若迴溪抱竹庭覺花
塗砌白甘露洗山青鴈塔竄金地虹橋轉翠屏人天宵
現影神鬼畫潛形理勝常虛寂綠空自感靈入禪從鶴
繞說法有龍聽劫累終期滅塵躬豈暫寧搖搖不安寐

待月詠巖扃

遊稱心寺

前人

釋事懷三隱清襟謁四禪
江鳴潮未落林曉日初懸
寶葉交香雨金沙吐細泉
望諧舟客趣思發海人煙
顧樞仍留馬乘盃久棄船
未遊龜負岳且識鳥耘一作耕田
理契都無象心冥不計筌
安期庶可揖天地得齊年

秋晚遊普耀寺

前人

薄暮曲江頭仁祠暫可留
山形無隱霽野色遍呈秋
荷

覆香泉密藤纏

集作
緣

寶樹幽平生厭塵事遇

集作
過

此忽

悠悠

題杭州天竺寺

前人

鷲嶺鬱岩嵒龍宮隱寂寥樓看

一作
觀

滄海日門聽浙江

潮桂子月中落天香雲外飄捫蘿登塔遠剡木取泉遙

霜序花更發冰溪葉未凋夙齡尚遐異搜對滌煩囂會

入天台裏看余渡石橋

宿雲門寺

前人

雲門若邪裏泛鷁路纔通黃綠篠岸遂得青蓮宮天

香衆壑滿夜梵前山空漾漾潭際月飄飄

集作
颼颼

杉上風

茲焉多嘉遯數子今莫同鳳歸慨處士鹿化問

一作
聞

僊

公樵路鄭州北學井阿巖東永夜豈云寐曙葉忽蔥蘢

谷鳥轉尚澁源桃驚未紅再來期春暮當造林端窮庶

幾蹤謝客開山投剡中

清遠江峽山寺

張說

流落經荒外逍遙此梵宮雲峯吐日月

集作
月白

石壁淡煙

虹

集作紅

寶塔靈僊湧懸龕造化功天香涵竹氣虛唄引

松風簷牖飛花滿

集作入

廊堦

集作房廊

激水通猿鳴知山靜

魚戲見

集作辨

江空靜默將何貴所貴心境

集作鏡

同

襄州景空寺題融上人蘭若 前人

高名出漢陰禪閣跨香岑衆山既

集此作皆

園遶長澗

集作川

復迴臨雲峯曉靈

集作空

變風水夜虛吟碧甃龍池滿蒼

松虎逕深舊知清巖意

集作青巖憶

偏入冥眴心何由侶飛

錫從此脫朝簪

澠湖山寺

前人

空山寂歷道心生虛谷迢

集作起

遙野鳥聲禪室從來塵

外賞春臺豈是世中情雲間東嶺千重出樹裏南湖一

片明若使巢由同

一作知

此意不將蘿薜易簪纓

遊龍山靜勝寺

前人

每上襄陽樓遙望龍山樹鬱弗吐岡嶺微芒

集作蒙

在煙

霧下車歲已成飾馬閒

集作問

餘步苦霜衰

集作豪

野草愛

日揚紅

集作江

煦雲對石上塔風入松下路禪室宴三空

仁祠圖

集作同

六趣兒童供戲

集作共嬉

謔猿鳥相驚顧南識

恒山

集作相公

臺北望先賢墓世上人何在時聞心不住唯

一作但

傳無盡塗可使有情悟

武檐山寺

蘇

頤見集本

武檐獨蒼然墳山下至泉鼈靈時共盡龍女事同遷松栢銜哀處幡花種福田詎知留鏡石長與法輪圓

慈恩寺二月半寓言

前人

二月韶春半三空霽景初獻來應有受滅盡竟無餘化

迹傳官寺歸誠謁梵居

一作閭

殿堂花覆席觀閣柳垂疏

共命枝間鳥長生水上魚問津窺彼岸迷路得真車行
密幽關靜談精俗態祛稻麻欣所遇蓬澤愴焉如不駐
秦京陌還題蜀郡輿愛離方自此迴望獨躊躇

利州北佛龕前

一無此字

重於去歲題處作

前人

重巖戴清美分塔題增

集作起曾

標蜀守經塗處巴人作禮

朝地疑三界出空是六塵銷卧石鋪蒼蘚行江覆綠條

歲年書有記非為學題橋

祠紫蓋山塗經玉泉諸山寺 張九齡

指塗躋楚望策馬傍荆岑稍稍松篁入泠泠澗谷深觀

竒逐幽映歷幽

集作險一作覽

忘嶠

一作岵

嗽上界投佛影中天

揚梵音焚香懺在昔禮足誓來今靈異有時

集作若有

對聖

僊真

集作其

可尋高僧問逝者絕

集作遠

俗是初心薜駁

集作

剝經行處猿啼宴坐林歸真已寂滅留跡豈堙沉法施

自茲廣何云千萬金

冬中至玉泉山寺屬窮陰冰閉崖谷無色

集作景

及仲春行縣復往焉故有此作

前人

靈境信幽絕芳時重暄妍再來及茲勝一遇非無緣萬
木叅可結千花敷欲然松間鳴好鳥竹

集作林

下流清泉

石壁開精舍金光照法筵真空本自寂假有聊相宣復
此灰心者仍追巢頂禪簡書雖有畏身世亦俱捐

登栖靈寺塔

蔣

煥

一作
煥

三休尋磴道九折步雲霓
瀝澗臨江北郊原極海西
沙平瓜步出樹遠綠楊低
南指晴天外青峯是會稽

題瑩上人院

冠堦

捨筏求香偈因泉演妙音
是明捐俗網何獨一作必在山

林繚繞藤軒密逶迤竹徑深
為傳同學志茲宇可清心

同皇甫兵曹天宮寺浴室新成招友人賞會

冠垣

溫室觀初就蘭交託勝因
共聽無漏法兼濯有為塵
水

潔三空性香霑四大身清心多苦友頌德慰同人

奉和崔司馬遊雲門寺

孫逖

繫馬青溪樹禪門春氣濃香臺花下出講坐竹間逢覺
路山童引經行谷鳥從更言窮寂滅廻策上南峯

和崔司馬登稱心山寺

前人

郡府乘休日王城訪道初覺花迎步履香草藉行車倚
閣觀無際尋山盡太虛巖空迷禹跡海靜望秦餘翡翠
巢珠網鷗雞間綺䟽地靈資淨土水若護真如寶樹誰

攀折禪雲自卷舒晴分五湖勢煙合九夷

集作疑

居生滅

分無象窺臨已得魚嘗

集作嘗

聞寶刀贈今日奉瓊琚

文苑英華卷二百三十三

欽定四庫全書

文苑英華卷二百三十四

宋 李昉等編

寺院二塔

附

王維十首

孟浩然八首

杜甫八首

李白三首

祖詠一首

丁仙芝一首

高適二首

蔡希寂一首

綦毋潛七首

宋昱一首

常建一首

王昌齡四首

陶翰一首

劉昫一首

遊化感寺

王維

翡翠香煙合瑠璃寶殿平
龍宮連棟宇虎穴傍簷楹
靜唯松響山深無鳥聲
瓊峯當戶折金澗透林鳴
郢路

雲端迴秦川雨外晴
雁集作鳳

王銜果獻鹿女蹈

集作踏

花

行抖擻辭貧里歸依宿化城
繞籬生野蕨空館發山櫻

香飯青菰

一作萌

米嘉蔬綠笋莖

集作紫芋羹

誓陪清梵末端

坐學無生

過化感寺曇興上人山院

前人

暮持筇竹杖相待虎溪頭
催客聞山響歸房逐水流
野花蘂發好谷鳥一聲幽
夜坐空林寂松風直似秋

過福禪師蘭若

前人

巖壑帶松

集作轉微
又作帶茅

逕雲林隱法堂羽人飛奏樂天

一作

仙女跪焚香
竹外峯偏曙
藤陰水更涼
欲知禪坐久
行路長
春芳

春日上方即事

前人

好讀高僧傳時看辟穀方鳩形將刻杖龜殼用支牀柳
色春山映梨花

集作花明

夕鳥藏北窓桃李下閒坐但焚香

遊悟真寺

前人

聞道黃金地仍依

集作開

白玉田擲山移巨石呪嶺出飛

泉猛虎同三逕愁猿學四禪買香燃綠桂乞火蹋紅蓮

集作青蓮

草色搖霞上松聲泛月邊山河窮百二世界滿三

千梵宇聊憑覽

集作憑視

王城遂渺然灞陵纔出樹渭水欲

連天遠縣分朱郭孤城

集作村

起白煙望雲思聖主披霧

憶羣賢薄宦慙尸素終身擬尚玄誰言草庵客曾和栢

梁篇

登辨覺寺

前人

竹逕連

集作從

初地蓮峯出化城窻中三楚靜

集作盡

林外

集作上

九江平嫩

集作輓

草承趺坐長松響梵聲空居法雲

外觀世得無生

資聖寺送甘二

前人

浮生信如寄，薄宦夫何有。來往本無歸，別離方正

集作此

受。柳色諳春餘，槐陰清夏首。不覺御溝上，街悲執盃酒。

別弟縉後登青龍寺望藍田山

前人

陌上新別離，蒼茫四郊晦。登高不見君，故山復雲外。遠樹蔽行人，長天隱秋塞。心悲宦遊子，何處飛征蓋。

藍田山石門精舍二首

前人

落日山水好，漾舟信歸風。翫寄

集作奇

不覺遠，因以緣源

窮遙愛雲木秀初言

集作疑

路不同誰

集作安

知清流轉偶

與前山通

二

捨舟理輕策果然愜所適老僧四五人逍遙蔭松栢朝

梵林未曙夜禪心

集作山

更寂道心及牧童世事問樵客

暝宿長林下焚香卧瑤席澗芳襲人衣山月映石壁再

尋畏迷誤明發更登歷笑謝桃源人花紅復來覲

陪張丞相禮

集作祠

紫蓋山塗經玉泉諸寺

孟浩然

望秩宣王命，齋心待漏行。
青襟列曹子，從事有參卿。
五

馬尋歸路，雙林指化城。
聞鍾鹿門近，照膽玉泉清。
皂蓋

依林

集作松

憇緇徒擁錫，迎天堂

集作宮

上兜率沙界，豁迷

明欲就終焉，志雖謀計未成

集作先開智者名

人隨逝水

一作波

沒山逐

一作欲

覆船

一作舟

傾想像若在眼，周流空復情

集本

添此四句

謝公還欲卧，誰與濟蒼

集作羣

生

臘月八日於剡縣石城寺禮拜

前人

石壁開金像香山繞

集作倚

鐵圍下生彌勒見迴向一心

歸松竹

集作竹栢

禪庭古樓臺世界稀夕嵐增氣色餘照發

光輝講席邀談栢泉堂施浴衣願承功德水從此濯塵機

題容山主

二字集作融公

蘭若

前人

精舍買金地

集作開

流泉繞砌迴芰荷薰講席松栢繞

集作

映香臺法雨晴飛

集作霏

去天花畫下來一乘談未了

集作

談玄殊
未已

歸騎夕陽催

宿萊

集作業

師山房期丁大

集作公

不至

前人

夕陽度西嶺羣壑倏已暝松月生涼意

一作夜涼

風泉滿清

聽樵人歸欲盡磴

一作煙

鳥栖初定之予期未來孤宿

集作

琴
候蘿徑

同王九題就師山房

前人

晚憇支公寺故人逢右軍軒窓避炎暑翰墨動新文竹

開窻裏日

集作竹蔽
簷前日

雨隨堦下雲周遊

集作旋

青陰遍吟

卧夕陽曛江靜榜

集作棹

歌歇溪深樵語聞歸塗未忍去

攜手戀清芬

陪姚使君題惠上人房

前人

帶雪梅初暖含煙柳尚青來窺童子偈得聽法王經會
理知無我觀空厭有形迷心應覺悟客思不集作未遑寧

雲門寺西六七里聞符公蘭若最幽與薛八同

造

前人

謂余獨迷

一作遊

方逢子亦在野結交指松栢問法尋蘭

若小溪劣容舟怪石屢驚馬所居最幽絕所往

集作住

皆

靜者密篠夾路旁清泉流舍下

集作雲簇興坐隅天空落階下

上人亦

何問

集作聞

塵念都

集作俱又作皆

已捨四禪合真如一切是虛

假願承甘露潤喜得惠風灑依止此

集作依此託

山門誰願

教

集作誰知効

丘也

疾愈過龍泉寺精舍呈易業二公

前人

亭午聞山鍾起行散

集作送

愁疾尋林採芝去轉谷

集作谷轉

松翠密旁見精舍開長廊飯僧畢石梁

集作渠

流雪水金

鳥

集作子又作鳥

曜霜橘竹房思舊遊過憇終永日入洞窺石

髓傍崖採蜂蜜日暝辭遠公虎溪相送出

山寺

杜甫

野寺殘僧少山園細路高麝香眠石竹鸚鵡啄金桃亂石通人過懸崖置屋牢上方重閣晚百里見纖毫

奉和裴十四廸新津山寺寄王侍郎

即王蜀州

前人

何限倚山木吟詩秋葉黃
蟬聲集古寺鳥影度寒塘
風物悲遊子登臨憶侍郎
老夫探賞集作典日隨意宿僧房

題忠州龍興寺所居院壁 前人

忠州三峽內井邑聚雲根
小市常爭道集作米孤城早閉

門空看過客淚莫覓主人恩
淹泊仍愁虎深居賴獨園

宿贊公房 前人
東京大雲寺主謫此安置

杖錫何來久集作此秋風已颯然
雨荒深院菊霜倒半池

蓮放逐寧虧

集作違

性虛空不離禪相逢成夜宿隴月向

人圓

上兜率寺

前人

兜率知名寺真如會法堂江山有巴蜀棟宇自齊梁
度信哀雖久何顯好不忘白牛連遠近且欲上慈航

秦州雜詩

前人

秦州城北寺勝跡隗囂宮苔蘚山門古丹青野殿空月
明垂葉露雲逐度溪風清渭無情極愁時獨向東

法鏡寺

前人

身危適他州，勉彊終勞苦。神傷山行深，愁破崖寺古。嬋

娟碧蘚

集作鮮

淨蕭槭寒，籜聚洄洄。石根水冉冉，松上雨

洩雲蒙蒙。清晨初日翳，復吐朱薨半。光烟戶牖粲，可數挂

策。忘前期，出蘿已亭午。冥冥子規叫，微逕不敢復。集作取

同諸公登慈恩寺塔

前人

高標跨蒼天

一作穹

烈風無時休，自非曠士懷。登茲飈百

憂，方知衆教力立

集作足

可追。冥搜仰穿龍蛇窟，始驚集作

出枝撐幽七星在北戶河漢聲西流羲和鞭白日少昊
行清秋泰山忽破碎涇渭不可求俯視但一氣焉能辨
皇州迴首叫虞舜蒼梧雲正愁惜哉瑤池宴集作飲日晏
崑崙丘黃鵠去不息哀鳴何所投君看隨陽鴈各有稻
粱謀

秋夜宿龍門香山寺奉寄王方城十七丈國瑩

上人從弟幼成令問
李白

朝發汝海東暮棲龍門中水寒夕波急木落秋山空望

極九霄迴賞幽萬壑通目浩沙上月心清松下風玉斗
生網戶銀河耿花宮興在趣方逸歡餘情未終鳳駕憶
王子虎溪懷遠公桂枝坐蕭瑟棣華不復同流恨寄伊
水盈盈焉可窮

流夜郎永華寺寄潯陽羣官 前人

朝別凌煙樓賢豪滿行舟暝投永華寺賓散予獨醉願
借九江流添成萬一作兩行淚寫意寄廬嶽何當來此地

天命有所懸安得苦愁思

廬山東林寺夜懷

前人

我尋青蓮宇獨往謝城闕
霜清東林鍾水白虎溪月天
香生虛空天樂鳴不歇宴坐寂不動大千入毫髮湛然
冥真心曠劫斷出沒

題遠公經臺

祖詠

蘭若無人到真僧出復稀
苔侵行道席雲濕出禪衣澗

一作溪

鼠緣香案山蟬噪竹扉
世間長不見寧止暫忘歸

和薦福寺英公新構禪堂

丁僊芝

上人久棄世中道自忘筌寂照出羣有了心清衆緣所
成於此地築館開青蓮果藥羅砌下煙虹垂戶前呪中
灑甘露指處流香泉神遠日無事體清宵不眠枳開廬
山法松入漢陽禪一枕四山外虛舟常浩然

宿開善寺贈陳十六

高適

駕車出人境避暑投僧家徘徊龍象側如見香林花讀
書不及經飲酒還勝茶知君悟此理所未披袈裟談空
忘外物持誠破諸邪則是無心地相知集作唯月華

發廣陵栖靈寺塔

前人

淮南富登臨茲塔信奇最直上造雲族憑虛納天籟迴
然碧海西獨立飛鳥外始知高興盡適與賞心會連山
黯吳門喬木吞楚塞城池滿窻下物華集作歸掌內遠
思駐江帆暮晴結春靄軒車疑蠢動造化資大塊何必
了無身然後知所退

登福先寺上方然公禪室

蔡希寂

名都標佛刹萬構臨河干舉目上方峻森森青翠攢步

登諸劫盡忽造浮雲端當暑敞扃闥

一作扃闥遙

却嫌絺綌

寒禪房最高頂靜者殊閒安踈雨向空城數峯簾外盤
午鍾振衣坐招我同一食真味雜飴露衆香唯蒹蘭晚
來恣偃俛茶果仍留歡

題鶴林寺

綦毋潛

道門

集作林

隱形勝向背臨層霄

集作行法橋

松覆山殿冷花

藏溪路遙珊珊寶幡挂炤炤明燈燒遲日半空谷春風

連上潮少憑

集作適

水木興慙忝

集作添又作令

身心調願謝携

手客茲山禪誦饒

題栖霞寺

前人

南山勢迴合靈境依此住殿轉雲崖陰僧探石泉渡龍
蛇爭翕習神鬼皆密護萬壑奔道場羣峰向雙樹天花
飛不著水月白成路今日觀我身歸心復何處

登天竺寺

前人

郡有化城最西窮疊嶂深松門當澗口石路在峰心幽
見夕陽霽高逢暮雨陰佛身瞻紺髮寶地踐黃金雲向

竹溪盡月從花洞臨因物成真悟遺世在茲

集作孤 岑

宿龍興寺

前人

香剎夜忘歸松青古殿扉燈明方丈室珠繫比丘衣白

月傳心淨

集作靜

青蓮喻法微天花落不盡處處鳥銜飛

題淨林

集作招隱

寺山頂禪院

前人

招提此山頂下界不相聞塔影挂清漢鍾聲扣

集作和 白

雲觀空靜室掩行道衆香焚且駐西來

集作東

駕人天日

未曛

題招隱恂

集作
絢

公房

前人

開士度人久空山花霧深徒知宴坐處不見有為心
蘭若門對壑田家路隔林還言澄集作
證法性歸去比黃金

過上人蘭若

前人

山頭禪室挂僧衣窗外無人溪鳥飛黃昏半在山下路
却聽鍾集此
作松聲連翠微

題石窟寺即魏孝文之所置 宋 昱

梵宇開金地香龕鑿鐵園影中羣象動空裏衆靈飛簾

一作牖籠朱旭房廊挹翠微瑞蓮生佛步寶樹挂天衣

邀福功雖在興王代久非誰知雲朔外更覩化胡歸

題破山寺後禪院

常建

見文粹

清晨入古寺初日曜

一作朗

高林竹逕通幽處禪房花木

深山光悅鳥性潭影空人心萬籟此都寂但餘鍾磬音

過香積寺

王昌齡

不知香積寺數里入雲峰古木無人徑空山何處鍾泉聲咽危石日色冷青松薄暮空潭曲安禪制毒龍

與蘇盧二員外期遊丈八寺而蘇不至因有此

作

前人

共仰頭陀行能忘世諦情迴看雙樹闕相去一牛鳴法
向空林說心隨寶地平手中花疊淨香帔稻畦成問道
邀同舍相期宿化城安知不來往翻得似無生

洛陽尉劉晏與府縣諸公茶集天宮寺岸道人

房

前人

良友呼我宿明月懸天宮道安風塵外灑掃青林中削

去府縣理豁然神機空自從三湘還始得今夕同舊居
太行北遠官滄海東各有四方事白雲處處通

香積寺禮萬廻平等二聖僧塔

前人

俱無御化來借有乘化歸如彼雙塔內孰能知是非愚
也駭蒼生聖哉為帝師當時特世出不由天地資萬廻
主此方平等性無違今我一禮心億劫同不移蕭蕭松
栢下諸天來有時

宿天竺寺

陶翰

松栢亂巖石西山微徑通天關一峰見宮闕生虛空正

殿倚霞

一作峯

壁千樓

集作上方

標石叢夜來猿鳥靜鍾梵響

雲中峰翠映湖月泉聲亂溪風心超諸境外了與懸解
同明發氣候改起視長崖東湖色濃蕩漾海光漸朦朧
葛僊迹尚在許氏道猶崇獨往古今事幽懷期二公

登廬山峰頂寺

劉春虛

孤峰臨萬象秋風氣何清高庭際南郡出林端西明

一作一

庭際南郡出
林端西江明


山門二緇叟振錫聞幽聲心照有為界業

懸前後生徒

一作雖

知真機靜尚與愛網并方首金門路

未遑叅道情



文苑英華卷二百三十四

欽定四庫全書

集部

文苑英華卷二百三十五至
七

詳校官太僕寺少卿_臣李廷欽

助教_臣常循覆勘

總校官進士_臣朱 鈐

校對官編修_臣 廬 燧

謄錄監生_臣張士琛

欽定四庫全書

文苑英華卷二百三十五 宋 李昉等 編

寺院三

附塔

劉長卿十首 李頎二首

崔曙一首 張謂二首

岑參五首 包佶一首

李嘉祐四首 皇甫曾三首

皇甫冉三首 張繼一首

韓翃四首

褚朝陽一首

郎士元二首

顧況四首

耿緯三首

司空曙六首

冷朝陽二首

李益二首

李端四首

暢當一首

過隱空和尚故居

劉長卿

自從飛錫去人到沃州
稀林下期何在山中春
獨歸躡花尋舊徑映竹
掩空扉寥落東峰上
猶堪靜者依

以下
九篇

並見
集本

秋夜雨中諸公過靈光寺所居

前人

晤語青蓮合重關閉夕陰
向人寒燭靜帶雨夜鍾深
流水從他事孤雲任此心
不能捐斗粟終日愧瑤琴

秋夜北山精舍觀體如師梵
前人

焚香奏仙唄向夕遍空山
清切無秋遠威儀對月閒
靜分巖響答散逐海潮還
幸得風吹去隨人到世間

自道林寺西入石路至麓山寺過法崇禪師故

居

前人

山僧候谷口石路掃

集作拂

莓苔深入泉源去遙從樹杪

迴塗隨青靄散鍾過白雲來野雪空齋掩嵐

集作山

風古

殿開桂寒知自發松老問誰栽惆悵湘江上何人更渡

盃

登思禪寺題上方

前人

西峰上方處臺榭隱朦朧

集作上方幽且暮臺殿隱朦朧

遠磬秋山裏

青

集作清

猿古木中衆溪連竹路諸嶺共松風儻許棲林

下甘成白首翁

宿北山於禪寺

集作蘭若二字

前人

上方鳴夕磬林下一僧還密行傳人少禪心對虎聞青
松臨古路白月滿寒山舊識憲前桂經霜更待攀

集梁耿開元寺所居院

前人

到君幽卧處為我掃莓苔花雨晴天

集作無時

落松風終日

來路經深竹過門向遠山開豈得長高枕中朝正用才

將赴嶺外留題蕭寺遠公院寺即梁朝蕭內史

創

前人

竹房遙閉上方幽苔蘚

集作徑

蒼蒼訪昔游內史舊山空

日暮南朝古木向人秋天香月色同

集作空

僧室葉落猿

啼訪

集作送又作傍

客舟此去播遷明主意白雲何事苦

集作欲

相留

陪元侍御

集作郎

遊支硎山寺

前人

丈人去已久寂寞龍華會古木閒空山蒼然暮相對林

巖非一狀水石有餘態密竹藏晦明群峰爭向背峰
帶落日步步入青靄香氣空翠中猿聲暮雲外留連南
臺客想像西方內因逐溪水還觀心兩無礙

登揚州栖

集作西

靈寺塔

前人

化塔凌虛空雄規壓川澤亭亭楚雲外千里看不隔遙
對黃金臺浮輝亂相射盤梯一作根接元氣半壁棲夜宅

集作魄

稍登諸級盡若騁排霜

集作霄

翮向是滄波人已為

青雲客雨飛千拱霽日在萬家夕鳥處高却低天涯遠

如迫江流入空翠海嶠現微碧向暮期下來誰堪復行役

無名上人東林禪居

李頎

草堂每多暇時謁山僧門所對但群木終朝無一言我

心愛流水此地臨清源含吐山上日蔽虧松

一作雲外村

孤峰隔身世百衲老寒暄禪戶積朝雪花龕來暮猿顧
余守耕稼十載隱田園蘿篠慰春波巖潭恣討論洩雲
豈知限至道莫探元且願啓開籥於焉微尚存

宿香山寺石樓

前人

夜宿翠微半高樓聞暗泉漁舟帶遠火山磬發孤煙殿

壯

一作
衣拂

雲松外門清河漢邊峰巒低枕席世界接人天

靄靄花出霧輝輝星映川東林曙鶯滿惆悵欲言旋

宿大和尚塔贈如上人兼呈常孫二山人

崔曙

支公已寂滅影塔山上古更有真僧來道場救諸苦一
乘微妙法寓宿清淨土身心能自觀色相了無取森森

松映月漠漠雲近戶嶺外飛雪明夜來前山雨燃燈見
棲鴿作禮聞信鼓曉霽南軒開秋華淨天宇願言出世
塵謝爾申及甫

同諸公遊雲公禪寺

張謂

共許尋鷄足誰能惜馬蹄長空淨雲雨斜月半虹蜺簷
下千峯轉窻前萬木低看山尋徑遠聽鳥入林迷地與
喧卑隔人將物我齊不知樵客意何事武陵溪

長沙失火後戲題蓮花寺

前人

金園寶刹半長沙
燒劫旁延一萬家
樓殿總隨煙焰盡
火中何處有蓮花

同崔三十侍御灌口夜宿報恩寺

岑參

聞君尋野寺夜

一作便

宿支公房溪月冷深殿江雲擁迴

廊燃燈松林靜煮茗柴門香勝事不可接相思幽興長

雪後與群公過報

集作慈

恩寺

前人

乘興忽相招僧房暮與朝
雪融雙樹濕紗閉一燈燒竹

林山低塔藤間院接

集作隔

橋歸家好欲懶俗慮向來銷

上嘉州青衣山中峯題惠淨上人幽居寄兵部

楊郎中

前人

青衣誰開鑿獨在水中中央浮舟一躋攀側逕緣穹蒼絕
頂詣高僧豁然登上方諸嶺一何小三江奔茫茫蘭若
向西開峨嵋正相當猿鳥樂幽磬松蘿泛天香江雲入
袈裟山月吐繩床早知清淨理人乃機心忘尚少名宦
拘聿來夷獠鄉吾友不可見鬱為尚書郎早歲愛丹經

留心向青囊眇眇雲智遠幽幽海懷長勝賞難與俱引
領遙相望為政愧無術分憂幸時康君子滿天朝老夫
憶滄浪况值廬山遠抽簪歸法王

登嘉州凌雲寺作

前人

寺出飛鳥外青峯戴朱樓搏壁躋半空喜得登上頭始
知宇宙濶下看三江流天晴見峨眉如向波上浮迴曠
煙景豁陰森樓榭稠願割區中緣永從塵外遊迴風旋
虎穴飛雨當龍湫僧房雲濛濛夏月寒飈飈迴合俯近

郭寥落見遠舟勝槩無端倪
天宮可淹留一官詎足道
欲去令人愁

終南雲際精舍尋法澄上人 前人

昨夜雲際宿適從西風迴
不見林中僧微雨潭上來
諸峯皆晴翠秦嶺獨不開
石鼓有時鳴秦王安在哉
水深斷山口乳沫相喧
喧厖噴壁四時雨傍村終日雷
北瞻長安道日夕生塵埃
若訪張仲蔚衡門映蒿萊

雙山逢信公所居

包佶

遙禮前朝塔微聞後夜鍾人間第四祖雲裏一雙峯積
雪封苔逕多年亞石松傳心不傳法誰可繼高蹤

奉陪韋潤州游鶴林寺

李嘉祐

按文苑英華共有二詩並題作奉陪韋潤州游鶴
林寺今觀李嘉祐集其一篇乃是潤州楊別駕宅
送蔣侍御收兵歸揚州詩兼已收入第二百七十
一卷送行門中英華誤抄于此姑存其目

奉陪韋潤州游鶴林寺

前人

野寺江城近，雙旌五馬過。
禪心超忍辱，梵語問多羅。
松竹閒僧老，雲煙晚日多。
集作和寒塘歸路轉，清磬隔微波。

同皇甫侍御題薦福寺一公房

前人

虛室獨焚香，林空靜磬長。
閒窺數竿竹，老在一繩床。
啜茗翻真偈，燃燈繼夕陽。
人歸遠相送，步履出迴廊。

題道虔上人竹房

前人

詩思禪心共竹閒，任他流水向人間。
手持如意高窓裏，

斜日江邊

集作沿江

千萬山

奉和陪韋中丞使君游鶴林寺

皇甫曾

古寺傳燈久，層城閉閣閒。
香花同法侶，旌旆入深山。
寒

磬虛空裏，孤雲起滅間。
謝公憶高卧，徒望

集作仰

欲東

集作

忘還

贈吳門邕上人院

前人

春山臨

集作唯

一室獨坐草萋萋，身寂心成道。
花開鳥自

啼細泉松逕裏返景竹林西晚與門人別依依出虎溪
此詩二百十九卷重出今已削去

題普門上人房

前人

支公身已老長在沃州多慧力堪傳教禪功久伏魔雲
山隨坐夏江草伴頭陀借問迴一作明心者賢愚去幾何

題昭上人房

皇甫冉

沃州傳教後百衲老空林慮盡朝昏磬禪隨坐卧心鶴
飛湖草迴門閉野雲深願一作地與天台接中峯早晚尋

招隱寺送閻判官還江州

前人

離別那逢秋氣悲東林更作上方期共知客路浮雲外
暫愛僧房墜葉時長江九派人歸少寒嶺千重雁度遲
借問潯陽在何處每看潮落一相思

訓裴補闕吳寺見尋

前人

東林初結構已有晚鍾聲窻戶背流水房廊半架城遠
山重疊見芳草淺深生每與君携手多煩長老迎

安公房問法

張繼

流年一日復一日世事何時是了時試向東林問禪伯
遣將心地學瑠璃

同中書劉舍人題青龍上房 韓 翃

西掖歸來後東林靜者期遠峯春雪裏寒竹暮天時笑

問

集作
從疑

金人偈閒聽寶月詩更憐茶興在一作藥興好出下

方遲

題薦福寺衡岳煉師房 前人

春城乞食還高論此中閒僧臘階前樹禪心江上山踈

簾看雪捲深戶映花關晚送門人出鍾聲杳靄間

又玄集作

間
靄靄

題僧房

前人

披衣聞客至關鎖此時開鳴磬夕陽盡捲簾秋氣

集作色

來名香連竹逕清楚出花臺身在心無住他方到幾迴

題青龍寺澹然師房

前人

雙林彼上人詩興轉相親竹裏經聲晚門前山色春
簾苔點淨下筋藥苗新記取無生理歸來問此身

題少室山寺

褚朝陽

飛閣青霞裏先秋獨早涼
天花映牕近月桂拂簷香
華岳三峯少黃河一帶長
空間指歸路煙際有垂楊

酬王季友秋夜宿露臺寺見寄

郎士元

石林精舍虎溪中夜扣禪扉
憶遠公月在上方諸品靜

心持半法

一作偈

萬緣空蒼苔古道行應偏
落木寒泉聽

不窮更憶雙峯最高頂
此心期與故人同

柏林寺南望

前人

溪上遙聞精舍鍾
泊舟微徑渡深松
青山霽夜雲猶在
盡出西南四五峯

鄱陽大雲寺一公房

顧况

盡日陪游處
斜暉竹院清
定中觀有漏
言下證無生
色界聊傳法
空門不用情
欲知相去近
鍾鼓兩聞聲

題歛山棲霞寺

前人

明徵君舊宅
陳後主題詩
跡在人亡處
山空月滿時
寶

餅無破響道樹有低枝已是傷離客仍逢靳尚祠

經廢寺

前人

不知何世界有處似南朝石路無人掃松門被火燒斷
幡猶挂剎故板尚堵橋數卷殘經在多年字欲銷

獨游青龍寺

前人

春風入香剎暇日獨游行曠然蓮花臺作禮月光面乘
茲第八識出彼超二見擺落區中緣無邊廣弘願長廊
朝雨畢古木時禽轉積翠暖還原離集作英紛似霰鳳

城騰月窟龍首橫天堰蟻步避危階蠅飛響深殿大通
智勝佛幾劫道場現

題莊上人房

已見二百
二十二卷

耿漳

廢慶寶寺

前人

黃葉前朝寺無僧寒

一作
閒

殿開池晴龜出暴松暝鶴飛

廻古井碑橫草陰廊畫雜苔禪宮亦銷歇塵世轉堪哀

雨中宿義興寺

前人

遙夜宿東林蟲聲階草深高風初落葉多雨未歸心家

國身猶負星霜鬢已侵滄洲縱不去何處有知音

早春遊報慈

集作

恩寺南池

司空曙

山

集作出

寺臨池水春愁望遠生踏橋逢鶴起尋竹值泉

橫新柳絲猶短柔

集作輕

蘋葉未成還如虎溪上日暮伴

僧行

送曹三原猗遊山寺

前人

山踏青蕪盡涼秋古寺深何時得蓮葉此夜更聞琴窮
水雲同穴過僧虎共林慙慙如念我遺爾挂冠心

宿青龍寺故曇上人院

前人

年深宮院在舊客自相逢閉戶臨寒竹
無人夜鍾降
龍今已去巢鶴竟何從坐見繁星曉
淒涼識舊峯

秋喜盧綸同宿寺

已見二百
十七卷

前人

題靈雲寺

前人

春山古寺遶滄波石磴盤空鳥道過
百丈金身開翠殿
萬龕燈焰隔煙蘿雲生客到侵衣濕
花落僧禪覆地多
不與方袍同結社下歸塵世竟如何

題暎上人院

前人

閉門不出自焚香
擁褐看山歲月長
雨後綠苔生石井
秋來黃葉徧繩床
身閒何處無真性
年老曾來集作言隱
故鄉更說本師同
學在幾時携手向集作見衡陽

同張深秀才遊華嚴寺

冷朝陽

同遊雲外寺
渡水入禪關
立掃窻前石
坐看池上山
有僧飛錫到
留客話松間
不是緣名利
好來長伴閒

宿栢巖寺

前人

幽寺在巖中行唯一逕通客吟孤嶠月蟬噪數枝風秋色生苔砌泉聲入梵宮吾師修道處不與世間同

入南山至金師蘭若

李益

木落水歸壑寂然無始心南行有真子被褐息山陰石路瑤草散松門寒景深吾師亦何受自起定中吟

與王楚同登青龍寺上方

前人

連岡出古寺流睇移芳讌鳥沒漢諸陵草平秦故殿搖光淺深樹拂木參差驚春心斷易迷遠目傷難徧壯日

各輕年暮年方自見

同皇甫侍御題惟一上人房 李 端

焚香居一室盡日見空林得道歸

集作輕

年暮安禪愛夜

深東西皆是夢存歿豈關心唯羨諸童子通

集作持

經在

竹陰

同裴員外宿薦福寺僧舍 前 人

潘安秋興動涼夜宿僧房倚杖雲離月垂簾竹有霜暗

集作

風生遠逕墜

集作墜

葉颯長廊一與交親會空貽別

後傷

宿深上人院

集作房

聽遠泉

前人

泉聲宜遠聽入夜對支公斷絕來方盡潺湲咽又通何
年出石下幾里在山中君

集作若

問窮源處禪門

集作心

與

此同

題雲際寺準公房

前人

高僧居處似天台錫杖銅餅對綠苔竹巷雨晴新鳥轉
山房日午老人來園中鹿過椒枝動潭底龍游水沫開

獨夜燃香禮遺像空林月没始應廻

宿報恩寺精舍

暢當

鍾梵送沉景星多露漸光風中蘭靡靡月下樹蒼蒼夜
殿若山橫深松如澗涼羸然虎溪子遲我一虛床杳杳
空寂舍濛濛蓮花香擁褐依西壁紗燈靄中央

文苑英華卷二百三十五

欽定四庫全書

文苑英華卷二百三十六

宋 李昉等 編

寺院四

附塔

盧綸八首

韋應物七首

嚴維三首

戴叔倫二首

崔峒六首

權德輿二首

戎昱一首

李涉二首

張翥一首

李正封二首

羅炯一首

朱放二首

徐嶷一首

房融一首

劉三復一首

于鵠三首

陳潤一首

朱長文一首

釋靈一八首

釋皎然十首

王建二首

春日陪李庶子遵善寺東院曉望

盧綸

映竹水橫

集作田

分當山起雁群陽峯高對寺陰井下通

雲雪盡

集作畫

唯逢鶴花時此見君由來禪誦地多有諸

公文

宿澄

集作程

上人院

前人

竹牕聞遠水月出似溪中香覆經年火幡飄後夜風性
昏知道晚學淺喜一作豈言同一悟歸身處何山路不通

同崔峒慈恩寺避暑

前人

寺涼高樹合卧石綠雲中伴鶴慙仙侶依僧學老翁魚

沉荷葉露鳥散竹林風始悟塵居者應將大宅同

題雲際寺上方

前人

松高蘿蔓輕中有石床平下界水長急上方燈自明空
門不易啟初地本無程廻步忽山盡萬緣從此生

寶泉寺送李益端公歸邠寧幕

前人

參差巖嶂東雲日晃龍宮石淨非因雨松涼不為風戀
泉將鶴並偷果與猿同眼界塵雖染心源蔽一作路已通

蓮花國何限貝葉字無窮早晚登麟閣茲門欲付公

登西

集作樓

巖寺

前人

林香雨氣新山寺綠無塵遂結雲外侶

集作賞

共遊天上

春鶴鳴金閣麗僧話

集作語

竹房隣待月水流急惜花風

起頻何方非壞境此地有歸人迴首空門外瞠然一幻

身

宿定陵寺

寺在陵內

前人

古塔荒臺出禁牆聲聲初盡漏聲長雲生紫殿幡花濕

月照青山松栢香禪室夜聞風過竹

一作燭

奠筵朝啟露

霑裳誰悟威靈同寂滅更堪砧杵發昭陽

夜投豐德寺謁海

集作液

上人前人

半夜中峯有磬聲偶尋樵者問山名上方月晚

集作日曉聞

僧話

一作語

下路林疎見客行野鶴巢邊松最老毒龍潛

處水偏清願得遠公知姓字焚香洗鉢過浮生

遊開元精舍

韋應物

夏衣始輕體遠

集作遊

步愛僧居果園新雨後香臺照日

初綠陰生晝寂孤花表春餘符竹方為累形跡一來疎

寓居永定精舍

前人

政拙忻罷守閒居初理生家貧何由往夢想在京城野
寺霜露月晨興羈旅情聊租二頃田方課子弟耕眼暗
文字廢身閒道心清集作精即與人羣遠豈為集作謂是非
嬰

與盧陟同遊永定寺北池僧舍

集作齊

前人

竹逕

集作
密竹

行已遠子規啼更深綠池芳草氣寒齋春樹

陰暗絲

集作
晴蝶

飄蘭徑游蜂繞花心不遇君攜手誰復此

幽尋

荅河南李士巽題香山寺

前人

洛都遊宦日少年攜手行投盃起芳席總轡振華纓關
塞有佳氣巖開伊水清攀林憇佛寺登高望都城蹉跎

二十載世務各所營茲賞長

一作
常

在夢故人安得并前

歲守九江恩召赴咸京因塗再登歷山河屬晴明寂寞

僧侶少蒼茫。林木成牆宇。或崩剝不見舊。題名舊遊況。
沉沒獨此淚。交橫交橫誰與同。書壁貽友生。今茲守吳
郡。綿思方未平。子復經陳跡。一感我深情。遠蒙惻愴篇。
中有金玉聲。反覆終難答。金玉尚為輕。

藍田

集作嶺

精舍

前人

石壁精舍高排雲。聊直上佳游。愜始願。忘險得前賞。崖
傾景方晦。谷轉川如掌。綠林含蕭條。飛閣起弘敞。道人
上方至。深夜還獨往。月落群山陰。天秋百泉聚。一作響所

嗟累已成安得長偃仰

澄秀上座院

前人

繚繞西南隅鳥聲轉幽靜秀公今不在獨禮高僧影林
下器未收何人適煮茗

行寬禪師院

前人

北望極長廊斜扉映叢竹亭午一來尋院幽僧亦獨唯
聞山鳥啼愛此林下宿

奉和獨孤中丞遊雲門寺作嚴維

絕壑開花界耶溪極上源光輝三獨一作石座登陟五雲

門深木鳴騶馭晴山曜武賁亂泉親坐卧踈磬發朝昏
蒼翠新秋色莓苔積雨痕上方看度鳥後夜聽吟猿異
跡焚香對新詩酌茗論歸來還捨俗諸老莫攀轅

奉和皇甫大夫夏日遊花巖寺

時大夫昆
季同行

前人

初地花巖會王家少長行到宮龍節駐禮塔雁行成蓮
界千峯靜梅天一雨清禪庭未可戀聖主寄蒼生

宿法華寺

前人

一夕雨沉沉，哀猿萬木陰。
天龍來護法，長老密看心。
魚梵空山靜，紗燈古殿深。
無生久已學，白髮浪相侵。

遊清溪蘭若

無隱者
舊居

戴叔倫

西看疊嶂幾千重，秀色孤標此一峯。
丹竈久閒荒宿草，碧潭深處有潛龍。
靈仙已去空巖室，一作穴到客唯聞古

寺鍾。遠對白雲幽隱在年年。

一作年時

不離舊杉松。

題武當逸禪師蘭若

前人

我生本似遠行客況是亂時多病身經山涉水向何處
羞見竹林禪定人

宿禪智寺上方演大師院

崔峒

石床

一作林

高幾許金刹在中峯白日空山梵清

一作晴

霜

後夜鍾竹牕迴翠壁苔徑入寒松幸接無生法疑心怯
所從

題空山人石室

前人

早晚悟無生頭陀不到城雲山知夏臘猿鳥見修行地

僻無溪路人尋逐水聲年年深谷裏誰識遠公名

登蔣山開善寺

前人

山殿秋雲裏香煙出翠微客尋朝磬食

一作至

僧背夕陽

歸下界千門見前朝萬事非看心無送目葭菼暮依依

題崇福寺禪院

前人

僧家更無事掃地與焚香清磬度山翠閒雲來竹房身心塵外遠歲月坐中長向晚禪室閑無人空夕陽

題蘭若

前人

絕頂茅菴老此生寒雲孤木獨經行
世人那得知幽逕
遙向青峯禮磬聲

秋夜

前篇作晚

招隱寺東峯茶宴送內弟

前人

前篇作李嘉祐

與沈十九拾遺同遊栖霞寺上方夜於亮上人

院會宿二首

權德輿

躡山標勝絕暇日諧想矚縈紆松路深繚繞雲巖曲重

樓迴樹杪古像鑿山腹人遠水木清池

集作地

深蘭桂馥

層臺聳金碧絕頂摩淨綠下界誠可悲南朝紛在目焚
香入古殿待月出深竹稍覺天籟清自傷人世促宗雷
此相遇偃放隨集作從所欲清論月輪集作松枝低閒吟茗花
熟一生如土梗萬慮相桎梏永願事潛師窮年此棲宿

二

偶來人境外心賞幸隨君古殿煙霞夕深山松桂薰巖
花點寒溜石磴掃春雲清淨諸天近諠塵下界分名僧
康寶一作保月上客沈休文共宿東林夜清猿徹曙聞

題招提寺

戎昱

招提精舍好石壁向江開山影水中盡松聲天上來一

燈傳歲月深殿

一作院

長莓苔日暮雙林磬泠泠送客迴

題鶴林寺上方

李涉

終日昏昏醉夢間忽聞春盡強登山因過竹院

一作寺逢

僧話又得浮生半日閒

重過文上人院

前人

南隨越鳥北燕鴻松月三年別遠公無限心中不平事

一宵清話又成空

題栖霞寺

張暈

躋險入幽林翠微含竹殿泉聲無休歇山色時隱見潮
來雜風雨梅落成霜霰一從方外游頓覺塵心變

夏遊招隱寺暴雨晚晴

李正封

竹栢清風過

一作風雨

蕭疎臺殿涼石渠瀉奔溜金刹照顏

陽鶴飛巖煙碧鹿鳴澗草香山僧隱

本作引

清梵幡蓋遶

迴廊

禪門寺暮鍾

前人

箕簾高懸于閭鍾黃昏發地殷龍宮游人憶到嵩山夜
疊閣連樓滿太空

行縣至浮查寺

羅炯

三十年前此布衣鹿鳴西上虎符歸行時賓從光前事
到處松杉長舊園野老競遮官道拜沙鷗遙避隼旗飛
春風一宿瑠璃地自有泉聲愜素機

遊石澗寺

朱放

聞道幽深石澗寺不逢流水亦難知莫道山僧無伴侶

獼猴

一作猿

長在古松枝

題竹

集作鶴

林寺

前人

歲月人間促煙霞此地多殷勤竹林寺能

集作更

得幾迴

過

宿洑上人房

徐巖

浮生不定若蓬飄林下真僧偶見招覺後始知身是夢
更聞寒雨滴芭蕉

遊始興廣勝寺果上人房

房融

零落嗟殘命蕭條託勝因
方燒三界火遽洗六情塵
隔嶺天花發凌空月殿新
誰令故鄉思一作誰憐鄉國思從此學分身

寺居清晨

劉三復

高枕對曉月衣巾清且涼
露華朝未晞滴瀝含靈

疑作虛

光隔竹聞汲井開扉見焚香
幽心感衰病結念依法王
青冥早雲飛杳眇空鳥翔
此情皆有釋悠然知所忘

題栢臺寺

已見二百二十一卷

于鵠

題宇文裔山寺讀書院

前人

讀書林下寺不出動經年書閣通

集作草閣連

僧院山厨共

石泉雪

集作雲

庭無履跡龕壁有燈煙年少今頭白刪詩

到幾篇

溫泉僧房

前人

雲裏前朝寺修行獨幾年山村無施食盥漱亦安禪古塔巢溪鳥深房閉谷泉自言僧入室知處梵王天

登西靈塔

陳潤

塔廟出招提，登臨碧海西。
不知人意遠，漸覺鳥飛低。
稍與雲霞近，如將日月齊。
遷喬未得意，徒欲躡雲梯。

題虎丘山西寺

朱長文

一作朱長雲

王氏家山昔在茲，陸機為賦陸雲詩。
青蓮香匝東西宇，日月與僧無盡時。

靜林精舍

梁武帝隱所已見一百六十六卷

釋靈一

自大林與韓明府歸郭中精舍作

前人

野客同舟楫相携復一歸孤雲

集作孤煙

生暮景遠岫帶春

暉不道還山是誰云向郭非禪門有通隱喧寂共忘機

酬皇甫冉將赴無錫於雲門寺贈別

前人

湖南通古寺來往意無涯欲適雲門路千峯到若耶春

山子敬宅古木謝數家自可長偕隱那言

集作堪

相去賒

此詩二百四十四卷重出今已削去注異同為一

作

再還宜豐寺

前人

再尋招隱地重會宿心期
樵客問歸日山僧記別時
野雲陰遠甸秋水漲前池
勿謂探形勝吾今不好奇

題東蘭若

前人

上人禪室路徘徊萬木清陰向日開
寒竹影侵行逕石秋風煙入誦經臺
閒雲不繫從舒卷狎鳥無機任往來
更惜片陽談妙理歸時莫待暝鍾催

將出宜豐寺留題山房

前人

池上蓮荷不自開
山中流水偶然來
若言聚散定由我
未是回時那得回

題王僧院

前人

虎溪閒月引相過
帶雪松枝挂薜蘿
無限青山行欲盡
白雲深處老僧多

宿靜林寺

前人

山寺門前多古松
谿行欲到已聞鍾
中宵引領尋高頂

月照雲峯凡幾重

宿吳匡山破寺

釋皎然

雙峯百戰後真界滿塵埃蔓草綠空壁悲風起故臺野
花寒更發山月暝還來何事池中水東流獨不回

高僧詩載皎然詠廢寺云武原遺跡在真界
積塵埃殘月生秋水悲風吹故臺居人今已
盡栖鵲暝還來不到無生理應堪賦七哀與
前詩畧同今附于此

寒食日集報德寺解公房

一作寒食日同陸處士行報德寺宿

前人

欲問章陵寺

一作古寺
章陵下

丈

一作
潛

公住幾年亂山春靄裏

微逕古松邊

一作安心生軌
草灌頂引春泉

寂寂傳燈地寥寥禁火天

世人

一作
間

多暗室白日為誰圓

一作
懸

一作皆歲時雜詠

奉和盧使君幼平游朝陽山寺臨太湖

時在郭
不得往

前人

仁祠當絕境明牧躡靈蹤欲到清涼地初聞斷續鍾城
中歸路在湖上碧山重水照千花界雲開七葉峯寒芳

艾綬滿空翠白綸濃逸韻知難繼佳游恨不逢仍聞撫
禪石為我久從容

秋日遙和盧使君游柯山寺宿歇上人上方論

涅槃經大義

前人

江郡當秋景期將道者同跡高連

一作憐

竹寺夜靜賞蓮

宮古磬清霜下寒山曉月中詩情緣境發法性寄筌空
翻譯推南本何人繼謝公

遙和塵外上人與陸澧夜集山寺問涅槃義兼

賞陸生文卷

上人自號北山子

共是竹林賢

孫綽僧史以七人配德嵇阮號竹林七賢

心從貝葉傳說經看

月過

一作喻

開卷愛珠連清淨遙城外蕭疎

一作條

古塔前

應隨北山子高頂枕雲眠

題報德寺清幽上人西峯寺即陳文帝故鄉

前人

陳世凋亡後仁祠識舊山帝鄉喬木在空見白雲還雙
塔寒林外三陵暮雨間此中雖戰勝君獨啟禪關

奉同顏使君真卿開元寺經藏院觀樹文殊碑

前人

萬國布殊私千年降祖師
雁門傳法至龍藏立言時
故實刊周典新聲播魯詩
六銖那更拂劫石盡無期

奉同盧使君幼平游精舍寺 前人

影剎西方在虛空翠色分
人天霽後見猿鳥定中聞
真界隱清壁春山凌白雲
今朝石門會千古仰斯文
奉陪陸使君張源裴端公
樞春遊虎丘寺

前人

雲水夾雙刹遙疑滿平陂入門見藏山元化何由窺
曳組探詭恠停驂訪幽竒情高氣為爽德暖春亦隨
瑤草自的礫蕙樓爭蔽虧金精發壞陵劒彩沉靈池
一覽匝天界中峯步未移應喜生公石列坐援松枝

秋晚宿破城山一作寺

前人

秋風落葉滿空山古殿殘燈石壁間昔日經行人去盡
寒雲夜夜自飛還

題石甕寺

王建

青崖古寺

集作白石

夾城東泉脉鍾聲內裏通地壓神龍

集作

龍蛇

山色別屋連宮殿匠名同簷燈經夏紗籠黑溪葉先

秋臘樹紅天子親題詩總在畫扉長鎖壁龕中

題台州隱靜寺

前人

隱靜靈仙

一作山

寺天鑿盂度飛來建巖壑五峯直上插

銀河一澗當空瀉寒廓崆峒黯淡碧琉璃

一作琉璃殿

白雲

吞吐紅蓮閣不知勢壓天幾重鍾聲常聞

一作在

月中落

文苑英華卷二百三十六